

**IDENTIFICATION** : Fe 818      **9/ 02/ 1994**

**DUREE** : 60 MIN.

**QUALITE** :

**TRANSMISSION** :

**DATE DE TRANSCRIPTION** : 12/02/2002

**NOM DU TRANSCRIPTEUR** : ICYITEGETSE Drocella

**NOM DU FICHIER** : 818.DOC

**DICTAPHONE** : SANYO  
 Modèle : TRC-8080  
 N° de série : P9407754 F

**FACE A**

0.2.

**Orateur: KALIKUNZIRA**

...je ko umunyamakuru yatugeraho kugira ngo tumutume mu nzego z'ubutegetsi. Ni ubwa mbere twebwe abaturage duturaniye hano twashinze amashyirahamwe tugira ngo turengere ubuzima bw'abaturage, tugurizanya amafara... dutanga amafaranga inoti y'ijana kuri buri munyamuryango ubu tukaba tumaze kuba amashyirahamwe ane twifuza kurengera ubuzima bwacu. Ino aha ngaha ni mu cyaro ntitugira ivuriro. Tumaze igihe kirekire dusaba ivuriro mu nzego z'ubutegetsi guhera ku nzego za segiteri kugeza muri komine no muri perefegitire. Dukeka ko amagambo tuvuga badashobora kuba baye... ntibayatugezaho kubera ko twifuje ivuriro kugira ngo turengere bene wacu none imiryango yavu bakunze gupfa bazira indwara z'ibyorezo. Indwara, umuntu arafatwa akarwara umutwe n'umuriro mwinshi twibaza niba ari malariya ntitubizi. Hari n'indwara yo guhitwa, ndumva bavuga ngo ni macinya, rwose abantu mwese imiryango imaze

kudushiraho. Amashyirahamwe twashinze duheka abantu tubajyana mu bitaro I Kirehe cyangwa se Nyamugari ahantu hatubereye hafi ku buryo bwo guheka.

Ubu rero amashyirahamwe y'amafaranga ama... akaba amaze gusa n'adushiraho, imiti dusigaye tubona ni uburyo bwo kuyigura muri magendu cyangwa se mu maforumasi ariko nabwo bitubana ikibazo. Ivuriro rero tukaba dusaba umugirane... umunyamakuru ko yazakigeza mu nzego z'ubutegetsi kugira ngo baturwaneho.

Ijambo rya kabiri: amazi mazi. Izo ndwara dukeka ko zaba zaterwa n'amazi mabi. Niba rero bashobora kubona ukuntu baturwanaho bakazabatugerezaho ubwo butumwa bwacu bakazadushakira ukuntu batugezaho amazi meza nk'uko tubyumva impande n'impande.

Ikindi cya gatatu dufite, murabona ko ari mu cyaro ni mu ishyamba, hatuve cyane ariko nta muhanda dufite. Iyi misozi yacu twifuza inzego z'ubutegetsi ko za... bajya batugeraho bakadusura, kubera rero ari nta muhanda ntibatugereho.

Ingingo yindi ari yo ya nyuma nkaba mvuga icyerekeranye n'umutekano muke dufite muri aka karere, murabona ko inzego z'ubutegetsi abategetsi ntibatugeraho, abo dushoboye kubonana na bo ni abakonseye, ba burugumesitiri tubonana rimwe na rimwe. Iyo haje abapolisi ba... iyo tubabonye turiruka tukabahunga kubera ko nta muhanda uri uduhuje n'abategetsi.

Ubu muri ibi bihe rero by'amashyaka menshi hari umutekano muke. Muri iyi mins, hashize iminsi mike cyane muri iyi Segiteri ya Musaza na Kigarama hari ibisasu byinshi. Niba ... niba ari abasirikare, niba se ari ibisambo cyangwa se niba ari abasirikare ba... baba baje muri congé bakaza n'imbunda bakaza kwiba abaturage, ibyo na byo tukaba dufite umutekano muke. Dore nk'ubu amaduka yo ku Gasarabwayi aho twahahiraga umunyu n'amasabune cyangwa se urwembe rwo gu... rwo kogosha abanyeshuri, none amaduka barayasahuye. Tukaba twari tuhafite umucuruzi umwe witwa Paul, none yari afite imodoka ni yo twakodeshaga tujya... tujya kwa muganga. Ubu rero kubera ko bamuteye bakamumerera nabi n'undi witwa SEGATASHYA, abo bacuruzi bombi ku

buryo n'imodoka bagiye kuzisubiza. Kubera umutekano muke, muri iyi minsi barabateye barabaku... barakubitwa, amazu yabo barayashura ndetse ku buryo bakeka ko no mu ... n'ejobundi babandikiye ibarwa bamenya ko bagomba kwitegura amafaranga bakayashyira hasi kugira ngo nibazaza ejo batazabahitana. Nguko uko twifashe rero, muri make amagambo yanje ni ayo.

**Le journaliste:**

Ee mugenzi wanyu rero KALIKUNZIRA, ee avuze ibibazo byanyu muhorana byo muri kano karere birimo amavuliro, birimo ngo kutagira amazi, birimo kubura umuhanda, ee ndetse n'umutekano mukeya. Yabavugiye mwese rero, sinzi niba nta kintu yaba yasize inyuma tukaba twacyongeraho, niba nta cyo tukaba twakomeza twungurana ibitekerezo kuri izi ngingo twamaze kuvuga.

**Damas BIRASAMASHA:**

Njyewe nitwa BIRASAMASHA Damasi, Konseye wa Segiteri Musaza. Ikibazo cyerekanye n'ivuriro cyavuzwe ke... kera kimaze igihe kirekire. Ubundi vagugaga ko akarere kadatuwe, none ubu ngubu karatuwe cyane ku buryo abaturage baho barenga ibihumbi mirongo itanu. Ni ko kariya karere ka Kigarama, Musaza na (inaudible).

Kubera rero ko twabivuze kera tubibaza Perefe, Bourgmestre, abategetsi bose baza kudusura bose ibyo bibazo turabibaza bakatubwira bati "icyo kibazo ee turimo turagitekereza ndetse kiri muri dosiye, dore twasabye amafaranga mu burayi ari hafi kuza". Tugategereza imyaka itatu igashira, indi igashira, itanu igashira bigatinda. Nk'ubu ngubu cyatangiye muri mirongo itandatu n'itandatu kugeza uyu munsi icyo kibazo kiracyariho.

Ubu rero twebwe tumazi kwitegerezza tugasanga kubivuga gusa ntacyo... bivuze, twahisemo gushyiraho umuryango wo kugira ngo tubivugiremo. Uwo muryango ukaba witwa Umuryango uharanira ubuzima, uburezi n'umuco mu karere ka (inaudible). Uwo Muryango rero ukazadufasha kuvuga icyo kibazo ari mu butegetsi, ari mu miryango

y'abagiraneza ndetse n'abandi bose bifuza kumenya uko uwo muryango uzakora bakabitubaza.

Oo uwo Muryango uvutse vuba aha, wavutse ku itariki ya makumyabiri na kabiri z'ukwezi kwa munani mirongo cyenda na gatatu. Ubwo twashyizeho inzego z'ubutegetsi, dushyiraho n'inama igizwe n'abantu cumi ba buri segiteri. Ubwo ni abantu mirongo itatu, dutora komite y'abantu batandatu, ubu ngubu twatangiye gushyiraho amategeko aza... azagenga Umuryango (inaudible).

Imigambi dufite ni imigambi yo gu... yo ... yo kugergeza kubuka amavuriro ariko dufashijwe n'abagiraneza tukubaka amashuri kuko na yo turayakeneye ndetse tugashyiraho n'ibigo bihugura abantu mu byerekeranye n'ubuzima (inaudible)

**Le journaliste:**

Ee Konseye rero mu by'uvuze wavye ngo ikibazo cya rino vu...riro ry'ino aha ngaha mwakibajije kuva kera. Mwakibajije nde? Mwakibajije mute? Babashubije iki?

**Damas BIRASAMASHA:**

Ee icyo kibazo twakibajije abategetsi benshi, iyo Perefe yaje kudusura yaje gukoresha inama muri aka... muri aka karere icyo kibazo tura... barakimubaza, Burugumestri yaza anyuze muri buri segiteri icyo kibazo bakakimubaza, Padiri yaza agiye kuri Santrali icyo kibazo bakakimubaza, Musenyeri yaza aje kudusura tukakimubaza, Pastoro waza mu madini anyuranye icyo kibazo tukakimubaza. Icyo kibazo nta... nta n'umwe tutakibaza tukibaza abantu benshi tuzi ko batubwira bati "icyo kibazo turakizi, ariko turimo turagishakira umuti".

**Esron HAKIZIMANA:**

Njyewe nitwa HAKIZIMANA Esroni nkaba ndi umucungamari w'iyi Banke Twisungane. Icyo mugenzi wanje Konseye avuze, cyane cyane yavuze ku Muryango bashinze wita ku burezi, umuco ndetse no ku ... no ku buvuzi, noneho ndetse mwanamubajiji n'uko ee abategetsi bagiye be... bemera ko bazatwubakira ivuriro.

Ndagira ngo mbahe, Nyakubahwa umunyamakuru watugendereye, urugero rwose rwa hafi hariho Bourgmestre witwaga NTIBARUKINGA wategeka iyi Komine Rusumo. Ngira ngo icyo kibazo twakimugejejeho, ndetse abijyana ahantu mu butegetsi hakomeye iryo vuriro bararyemera, baranarisinyira, ndabyibuka n'ubwo nari muto ariko mu by'ukuri imigendere y'iryo vuriro twabuze ahantu ryagiye, tugiye kumva twumva ngo baryimuriye hakurya mu Butama, mu by'ukuri rwose twari twizeye iryo vuriro rya hano I Musaza. Urwo ni urugero rwa hafi rwose rwaba rwumvikana. Ntiriwe mvuga menshi iki kibaya cya hano I Musaza na Kigarama akenshi njyewe njya numva ko kitibukwa na rimwe. Numva ko amadosiye yaryo, yacyo atibukwa na rimwe, cyangwa se ndibaza nti ese Leta se yaba na yo irya ruswa?

Icyu kabiri: Le... aka karere se nta bantu bakavugira se barimo baba barize? Ni cyo se tuzira? Njye akenshi ni cyo nibazaho, ariko mu by'ukuri iri vuriro ry'aha ngaha ryari ryaravuzwe, ryari rya... ryari ryaremewe. Ndumva ndetse ...

**Le journaliste:**

Ee ndagira ngo mbere y'uko urekera aho ee uwakubanjirije yigeze kuvuga ko ee abarwayi banyu iyo mubahetse muri rya shyirahamwe ryanyu ryo guheka abantu mubageza I Kirehe cyangwa se Nyamugari ee hano rero hari... mu Cyanya hafi ya Gasarabwayi hariya muvuga muti abacuruzi bacu barabibye none barasha... ba...shaka gufunga, ndagira ngo utugereranyirize kuva hano mu Cyanya ujya aho ngaho za Kirehe cyangwa se za Nyamugari, umuturage akora urugendo rungana iki kugira ngo abantu batwumva ee bamenye bati koko abo bantu basaba ivuriro koko baba barikeneye? Mukora ibirometero bingana iki?

**Esron HAKIZIMANA:**

Yee, murakoze. Njyewe uretse ko ntahapimye ariko ngereranije numva urugendo ruba ruri hagati y'amasaha atatu n'igice n'amasaha atatu n'igice n'amasaha atanu. Ee kuva Gasarabwayi kugera Nyamugari ni kirometero makumyabiri na zirindwi. Kuva Gasarabwayi kugera Kirehe ni kilometero mirongo itatu n'ebyiri. Iyo umuntu agenda kilometero imwe, kilometero eshanu azigenda mu isaha imwe. Uba ... ufashe mirongo itatu ukagabanya gatanu ni amasaha atandatu.

Le journaliste:

Hanyuma se nta... kamodoka kanyura nyine muri iyo mianda mujyamo, mugendamo kaba kasayidira uwo murwayi kaka...mugeza kwa muganga vuba?

**Esron HAKIZIMANA:**

Imodoka iyo bayikodesheje kuva Gasarabwayi kugera Kirehe ni ibihumbi bitandatu, iyo bajyanye Kibungo ni ibihumbi icumi. Iyo umurwayi rero, iyo umugore ari ku nda ni ibihumbi icumi, iyo umurwayi bagiye kumujyana kwa muganga bamujya... bamujyana Kirehe ni ibihumbi bitandatu cyangwa bitanu. Urumva rero ni ibihumbi bitanu, ni ukuvuga ko imodoka barakurihisha ni na cyo twashyiriyeho imiryango y'ingobyi kujya batanga amafaranga, ayo mafaranga barayabika umurwayi yarwara tugakodesha imodoka. Ni ukuvuga ko uwo mutungo ari munini cyane bakoresha.

Le journaliste:

Ee ndabona rero kuri ibyo bibazo byose twavuze hari... undi mugenzi wawe na we ushaka kuba yagira icyo avugaho.

**Léopold GAKWAYA:**

Ee murakoze, ngyewe nitwa GAKWAYA Lewopolidi nkaba ndi Konseye wa Segiteri ya Kigarama. (inaudible) ni segiteri nini cyane ku buryo (inaudible). Ikibazo rero batangiye kuvuga, cyatangiye kuvugwa n'uriya mugabo KALIKUNZIRA, natwe tukaba tugira ngo tugitsindagire, tukaba tugira ngo tugitsindagire rwose ikibazo cyane cyane kibogamiye akarere ni ikibazo cy'ivuriro. Kuva kera na kare ngira ngo navuga ko isi ikiremwa nta hantu kuva ku bantu ba mbere bahasuye kugeza no ku bandi baje ari abimuka n'abakavukire ubwo ni ukuvuga ko ibyago tubisangiye. Hari abantu benshi rero (inaudible) inshuro nyinshi ariko ikibazo cy'ubuzima, ikibazo cy'ubuzima rwose kitumereye nabi. Ibyo bilometero Konseye wa Segiteri ya Musaza duhana urubibi amaze kuvuga ni byo n'ubwo bidapimye bwose ariko ni byo, ni byo rwose. Nk'ubu ngubu kuva hano kugira ngo umuntu agere aho tugabanira kuri segite... Segiteri ya Nyamugari hari ibilometero hafi mirongo ine (inaudible). Ivuriro rero rya Nyamugari riri hafi y'aho

ngaho. Guheka umuntu mu ngobyi kumugezayo ubundi bamwe bagwa mu nzira, cyane cyane nk'abagore bari ku nda cyangwa se abarwayi barenganye cyane tubaheka mu ngobyi. Icyo kibazo rero cy'ivuriro rwose kimaze iminsi cyabe... cyageze muri projets iminsi, cyateganijwe kenshi baduha icyizere ngo rizubukwa rizubakwa, ariko kugeza ubu ngubu amaso yaheze mu kirere. Kandi ubu ngubu dufite indwara z'ibyorezo, abantu bari aha ngaha n'ubu ngubu nta munsi n'umwe urenga batitabye ... umuntu a... umuntu atitabye Imana. Twarumiwe rero ni ukurwariza aho nta kundi byagenda, abajya ku bitaro na bwo ni uko urumva ko ari urugendo rurerure rukomeye cyane. Aho rero iryo vuriro ribonetse ryatuyamba mu... mu buryo bukomeye, mbese ryatuvana aharindimuka, indwara zarabiciye.

Icy kabiri ni icy'amazi kiriya KALIKUNZIRA yavuze, hano hari amasoko menshi amanuka ariko akaba adasukuye, hari projet ifatanije n'umushinga w'Accord bigeze gushinga imambo hano hirya no hino baduha icyizere. Ariko nkumva ko muri Segiteri Musaza ari ho bagerageje kuya... kuyasana, ubwo ni ukugabanya imigezi yari ihari, hanyuma muri iyi Segiteri ya Kigarama yo amaso na none akaba ari mu kirere bakaba bakinywa ya mazi y'ibinamba. Tukaba twibaza rero impamvu na bo babikoze batarasobanukirwa neza.

Imihanda, imihanda ihari na yo ngira ngo mwayinyuzeho mwayibonye, iriya mihanda yajyaga ikorwa na MINITRAPE (inaudible) na BGM (inaudible) umuhandi wari nyabagendwa ariko ubu ngubu utangiye kwangirikara (sic) ariko twarabashimye cyane abategetsi, Leta yaduhaye bisi ikaba iyamba abarwayi bamwe na bamwe bajya mu ivuriro ryo bita (inaudible). Aho ngaho ni ho usanga abarwayi benshi bajya kwivuriza kuko abahetsi baba babuze bo guheka buri munsi, umwe agapfa kwifashisha iyo bisi iy'umugore ari ku nda cyangwa n'abandi bakajya aho ngaho i Gahara. Mugenzuye muzahasanga abarwayi b'ino benshi bari gushakayo imiti kubera ko ki... hari ibibaya (inaudible) babona iyo modoka rero mumaze kuvuga nyine, iyo bisi ikaba ari yo ibakuramo ubwo bwigenge, aho ngaho tukaba dushimira Leta ko yaduhorera aho ngaho. Iriya bisi rwose ...

Le journaliste:

Ee ndagira ngo tuvuge kuri icyo kibazo cy'imihanda, ee ubundi Konseye urabizi abaturage ni bo bikoreraga imihanda yabo. Usibye uwo nguwo wa Leta nyine wo bisi inyuramo ariko nk'umuhanda ugera aha ngaha urabona rwose nta (inaudible). Mwebwe abaturage mukora iki kugira ngo amayira agana iwanyu namwe ibyo ari byo byose asukurwe abantu bashobore kubageraho? Mwebwe mukora iki? Mufasha iki Leta? Ni ukwicara gusa mukavuga ngo dukeneye imihanda? Ubundi se ko mwayikoreraga kandi bigatungana!

Leopold GAKWAYA:

Abaturage bamaze kubona ee ibihebihindagurika hajemo amashyaka menshi, hajemo ikibazo cy'ubunebwe rwose sinabwo... sinatinya kuvuga ko ari ubunebwe, umuganda waracumbagiye. Umuganda waracumbagiye ubu ngubu nta muganda ugikorwa neza muzi ko umuganda twawukoze imyaka myinshi kuva Perezida wa Repubulika amaze gushyiraho umuganda icyo gihe umuganda watangiye ubwo turakomeza turawukora. Imihanda, imingoti, amashyamba n'ibindi.

Umuganda rero bigeze aho ngaho amashyaka amaze kuvuka, abaturage batangira ku... kudohoka bati "umuganda n'inzezo zo hejuru ntabwo zikiwukora ni twebwe tuzasigara ku bibazo nk'ibi ngibi by'uburetwa"? Mbese bakavuga ko ibyo bakoraga yari ingorane. None ubu ngubu ubuhanda ubwo bakoraga bwose bwatangiye gusubira inyuma. Ariko na none ibibazo bibafitiye akamaro, cyane cyane byihutirwa nk'amashuri, n'ibyo tuvuga by'ivuriro, ibibazo byihutirwa rwose barabikora. Sinakubeshya barabikora, hamwe amashuri arubakwa n'imihanda hamwe na hamwe. Nk'ubu bavuze bati "uriya muyoboro w'amazi uraje, bati nimudutabare abatekiniye bahageze nta wasigara inyuma n'umwe. Ariko icyo ntavuga ni u... ni ukugira ngo (inaudible) wa kanaka n'ibindi mu muganda aho ngaho ngira ngo ntibakunda kuuyayo (inaudible).

Ye, umutekano mu iki gihe rero ngira ngo muzi ko igihugu cyacu kimaze imyaka ni ... mu ntambara. Ariko ubu tugira dutya tukumva ngo hariya hatewe grenade, hariya harashwe amasasu, yemwe n'i... n'iyi banki y'ishyirahamwe iri aha ngaha ubu ngubu

duhora umutima uri mu kirere tuvuga tuti noneho bazaza bavuga ko harimo ibihumbi n'ibihumbi baze baya(inaudible). Ariko kandi nta n'amafaranga aba ahari. Hari amabandi rero yakwiriye singira ngo ni hano honyine, ni hirya no hino ngira ngo muraturusha kubimenza ariko muri Komine Rusumo na ho hari ama centres n'ama centres usanga (inaudible) ngo haturitse gerenade, haturikiye amasasu. Hariya (inaudible) baherutse kuhicira umusore witwa MUNYARUKUNDO bamutsinze mu... mu... muri boutique ye baraducika barabura. Hariya ku Gasarabwayi na none ejobundi barahateye ndetse hagwa n'umuntu wari... ubayoboye, sinsi n'ukuntu bamwishe rwose abantu ni abahanga. Niba yararashwe n'aba... n'abazananye na we witwa BATSINDA na we barahamurasiye bukeye abaturage amasasu ba... bahunze bahungutse

Le journaliste:

Ngo bitwa abaki?

Léopold GAKWAYA:

Uwo mutnu bishe yitwaga BATSINDA yari yarishe murumuna we agumya kuburabura agenda yihisha akajya azana amabandi ninjoro bakaza noneho bagatera nka centre nk'iriya aho amafaranga ari agateza no mu bacuruzi bakabambura bakabagirira nabi, hanyuma rero ijoro rimwe araza, aje noneho tukagumya twumva (inaudible) hanyuma bukeye (inaudible) sinzi rero ubwo turabona ko yarashwe na bene wabo bazananye sinzi ikintu bapfuye agwa aho ngaho na we.

Le journaliste:

Hum.

Léopold GAKWAYA:

Ubwo rero umutekano ...

Le journaliste:

Aho ngaho rero ndagira ngo impamu nkubajije ngo babatsinda ntabazi muzi ko ari umujura mwebwe mukora iki abaturage kugira ngo murengere umutekano wanyu?

Léopold GAKWAYA:

Abaturage nta (inaudible) barara irondo, mbeso aba... ku ga centre nk'aha cyane cyane barahararira abararira. Ariko na none iyo bumvise imbunda nta muntu wahagarara, wahagararana n'umuntu ufite imbunda ngo ahangane na we ufite umupanga cyangwa se icumu. Murabizi impunda ni igi... n'intwaro zacu za kinyarwanda ko ntabwo zihwanyije ububasha n'imbaraga ndetse.

Le journaliste:

Yee, ubwo rero wavugaga ku mutekano, ariko na none icyo ngira ngo nshimangire ni uko mwebwe abaturage abo bantu mu... babahohotera ndumva mubazi ahubwo sinzi impamvu ahubwo bakibahohotera. Mwebwe mukora iki kugira ngo umutekano wanyu mbere y'uko haza abo bakazo... mbere y'uko haza abandi ba...polisi cyangwa se abandi bashinzwe umutekano, mwebwe mukora iki? Mubatungira agatoki gute ubutegetsi? Mubigenza gute?

Révérien GAKWAYA:

Niyewe nitwa GAKWAYA Reveliyani nkaba ndi umwanditsi mu nama y'ubutegetsi ya Twisungane (inaudible).

Duhereye kuri icyo kibazo cy'umutekano umbajije na mugenzi wanje amaze kuvuga, umutekano turawushaka ariko Leta irahari, isa n'aho idahari. Kuko uhereye nko ku bantu bibwa nta na rimwe wakumva ko ha... hari enquête zigeze zikorwa. Urumva nk'ibisambo biba byazanye imbunda haba hasabwa ko hakorwa ankete yo mu rwego rwo hejur, hagakorwa n'ishakisha rikomeye bagashakisha abo bantu batubuza umutekano bakoresheje imbunda. Naho ku kibazo cyo kuvuga ngo twakwirwanaho, nta kuntu wakwirwanaho abantu babiri bazanye imbunda, uko duteraniye aha ubu ndakeka umuntu umwe azanye imbunda akavuga ati mwese hasi, twese twaryama nta wasigara. Ubwo rero ni ukuvuga ko yadukoza icyo ashaka. Ku kibazo cy'ubutegetsi na bwo ubutegetsi kububona tukabuhunga ni uko tutabumenya ntabwo butwegera ngo tuganire na bwo, ntabwo ndetse rimwe na rimwe n'iyo umuntu yakurega amahugu aragutsinda kuko utazi

amategeko yo kuburana, ushobora kuva hano mu cyaro wirirwa ... wibereye hano mu cyaro utazi itegeko ryo kuburana umuntu yakurega n'amahugu akagutsinda bitewe n'uko nta ho wahuriye ee n'abashinzwe ubutegetsi ngo bakwerekere inzira zo wanyuramo kugira ngo wirenganure cyangwa se urenganurwe. Ndumva ari cyo kintu navuga ku mutekano, gusa tukaba twasaba Leta ko icya ngombwa yakora iperereza ku basirikare bayo, ziriya mbunda ziba si ukuvuga ko batazizi, barazizi, ntabwo twibaza impamvu batazikurikirana ngo bamenye n'abiba abo ari bo.

Ikindi kibazo mfite ee ndashimangira ku ivuriro. Ivuriro turarisaba ariko ariya madosiye ahantu bayabika ntabwo tuhazi. Ivuriro turarisaba ntiturihabwe ariko kandi